

豐城縣志卷之二十

藝文四

晉

太阿劍銘

張協

太阿之劍。世載其美。淬以清波。礪以越砥。如玉斯耀。若影在水。不運自肅。率土從軌。

梁

寶劍詩

吳均

我有一寶劍。出自昆吾溪。照人如照水。切玉似切泥。鏐邊霜凜凜。匣上風淒淒。寄語張公子。何當來見攜。

豐城縣志

卷二十 藝文

陳

經豐城劍池

陰鏗

清池自湛淡。神劍久遷移。無復連星氣。空餘似月池。夾篠澄深渌。含風結細漪。唯有蓮華鏐。猶思匣中雌。

唐

送豐城王少府

楊炯

愁結亂如麻。長天照落霞。離亭隱喬樹。溝水浸平沙。左尉才何屈。東關望漸賒。行看轉牛斗。持此報張華。

寶劍篇

郭元振

君不見昆吾。鐵冶飛炎煙。紅光紫氣俱。赫然良工煅鍊。

10.6447
:12

經幾年。鑄得寶劍名龍泉。顏色如霜雪。良工咨嗟嘆奇絕。瑠璃匣裏吐蓮花。錯鏤金環生明月。正逢天下無風塵。幸得用防君子身。精光黯黯青蛇色。文章片片綠龜鱗。非直結交遊俠子。亦嘗親近英雄人。何言中路遭棄捐。零落漂淪古獄邊。雖復沉埋無所用。猶能夜夜氣衝天。

可歎

杜甫

天上浮雲似白衣。斯須改變如蒼狗。古往今來共一時。人生萬事無不有。近者抉眼去其夫。河東女兒身姓柳。丈夫正色動引經。鄴城客子王季友。群書萬卷常暗誦。

豐城縣志

卷二十一 藝文

二

孝經一通看在手。貧窮老瘦家賣履。好事就之爲攜酒。豫章太守高帝孫。引爲賓客敬頗久。聞道三年未曾語。小心恐懼閉其口。太守得之更不疑。人生反復看已醜。明月無瑕豈容易。紫氣鬱鬱猶衝斗。時危可仗真豪俊。二人得置君側否。太守頃者領山南。邦人思之比父母。王生早會拜顏色。高山之外皆培塿。用爲羲和天爲成。用平水土地爲厚。王也論道阻江湖。李也丞疑曠前後。死爲星辰終不滅。致君堯舜焉肯朽。吾輩碌碌飽飯行。風后力牧長迴首。

寶劍詩

崔融

寶劍出昆吾。龜龍夾采珠。五精初獻術。十戶競論都。匣氣衝牛斗。山形轉轆轤。欲知天下貴。持此問風胡。

寶劍詩

李羣玉

雷煥豐城掘劍池。年深事遠迹依稀。泥沙難揜衝天氣。風雨終思發匣時。夜電尚搖波底影。秋蓮空吐鐔邊輝。自從星坼中台後。化作雙龍去不歸。

劍池驛

權德輿

龍劍昔未發。泥沙相埋藏。向非張茂先。孰辨斗牛光。神物不自達。聖賢亦徬徨。我行豐城野。慷慨心內傷。

寶劍詩

陳陶

豐城縣志

卷二十一 藝文

三

秦帝南巡厭火精。蒼黃埋劍故豐城。霸圖繚緜金龍勢。坤道扶搖紫氣生。星斗卧來閒窟穴。雌雄飛去變澄泓。永懷惆悵中宵作。不見衝雷發匣聲。

羅山徵君隱居

曹勣

掃葉煎茶摘葉書。心閒無夢夜窗虛。只因光武恩波晚。豈是嚴君戀釣魚。

宋

劍池

孫復

寶劍埋豐城。棄捐滅年禩。初如雙龍蟄。默默重淵底。春雷忽以驚。駢首思奮起。光氣干斗牛。終夜顏色紫。奇哉

張茂先訪諸雷煥氏。下取古獄中。湛湛凝秋水。精芒射人目。利可斷犀兕。我聞劍爲用。非惟翫好爾。仗以去奸邪。提以振綱紀。是時晉室中。奸邪若排指。荀勗及馮統。巧舌相表裏。荀顛亦其人。聚首爲封豕。同附賈公閭。盛指南風美。遂使五不可。忽焉如西子。晉室遽以危。其亡可立俟。因思荀勗徒。未與犀兕比。盡可血雄芒。尸之向朝市。劍兮既不用。華也竟何以。宜乎不自免。委身于螻螳。是爲神物羞。飄然失所指。

寶劍詩

蘇轍

剡氣夜干斗。精神初莫隔。全身寄獄戶。隱約還自得。張豐城縣志。卷二十藝文。四。雷彼知我。勉爲汝一出。腰間雜環佩。亦能報之德。凜凜天地間。要非手中物。躍入延平水。三日飛霹靂。出當乘風雷。歸當卧泉石。千年故穴在。三嘆泉上客。

梅仙觀留題道士楊智遠

大隱清名格帝閭。真人新寵粲王言。南昌補吏官雖小。北極通班道更尊。諫疏不容強漢室。仙風聊復傲吳門。我來物色朝元處。山遶星壇水遶村。

梅仙觀

孟賓于

仙界路遙雲縹緲。古壇風冷葉蕭騷。後來豈合言淹滯。一尉昇騰道最高。

梅壇

呂大防

封事悠悠即掛冠。蒼煙古木鎖空壇。當時不識蓬萊客。祇作南昌一尉看。

寶劍詩

祖無擇

巧冶何年百鍊金。剗鍾芒刃此湮沉。氣冲牛斗雖難掩。鑿遇張雷始見尋。恍惚莫窮神物遠。波瀾空在曲池深。鉛刀強也思磨拭。悵望西山與華陰。

梅仙觀

馬子才

漢網解宏紐。國命移權臣。太阿有神鋒。顛倒柄在人。公卿雖滿前。有語各自吞。張禹為帝師。此是禍亂根。天子豐城縣志

卷二十 藝文

五

辟左右。決機在一言。不為社稷計。祇乞兒女恩。上方斬馬劍。當時負朱雲。谷永對直言。天庭策災氛。陰謀助元惡。歸咎昭陽嬪。豺狼自此縱。白晝當路蹲。先生當是時。上書叩帝闈。耿耿禍福語。皎皎星與辰。天門鎖九重。一呼萬夫屯。小臣江湖心。何由達至尊。賊莽果盜國。忠烈遭烹焚。先生變名姓。為卒吳市門。浮雲去無蹤。世人以為仙。蓬山在何處。此事且勿論。但愛清風高。凜凜久益新。我來拜遺像。舊宅荒基存。道師住在真人峰。欲往見之路無蹤。去年許我入城市。塵埃暗天待不至。莫往莫來勞我心。道書寄我千黃金。蠶衣肉食慮謀短。文字滿

前看不見。口傳指授要有時。脫去網羅尚見知。梅翁漢
朝南昌尉。手摩龍鱗言世事。一朝拂衣去不還。身騎白
麟繫紅鸞。我今雖復墮塵土。道士何不與我語。他年策
足投名山。相逢拍手一披顏。

按是詩。舊志疑道師以下。當另是一首。今詳其詩。舊
宅荒基存一句。纔入梅仙觀題面。語意原未嘗住。下
特變調與觀中道士感慨咏嘆。以致其景慕之意。刻
作一首者是。

梅仙觀

朱粹

書投北闕言無用。吏隱南昌寄此間。身陟九霄歸紫府。
豐城縣志

卷二十一 藝文

六

名垂千古寄青山。夜壇星斗誰瞻仰。曉殿雲烟自往還。
幾疊高岑人罕到。分明真境異人寰。

寶氣亭

黃庭堅

豐城邑巖巖。水種六萬戶。石隄眠長虹。輟棹日沉霧。今
君政有聲。新亭延客步。淚落世父碑。心傾文饒賦。憶昔
兩神兵。埋獄思武庫。寒光射漢津。兩賢紆一顧。張公坼
中台。木拱孔章墓。不能從兒嬉。歲晚龍蛇去。空餘寒泉
泓。因雨長蛙鮒。鉛刀藏寶室。萬世同此度。

梅先生故居

吳門不作南昌尉。上疏歸來朝市空。笑拂岩花問塵土。

故人子是國師公。

過豐城

楊時

清江渺渺綠浮天。博物無人繼昔賢。應有斗間靈氣在。誰能更與劓龍泉。

廣慈院

汪藻

春風何事獨多情。伴我江山萬里行。我為忘機身到此。沙鷗相見不須驚。

寶氣亭

胡銓

塵容不逐江流靜。酒力都從雪壓消。斗下只今無劍氣。年來牛犢在人腰。

豐城縣志

卷二十藝文

七

發豐城縣

陸游

豐城古縣已再遷。出郭十步江渺然。冷雲四合欲下雪。柔櫓數聲初放船。孤村燈火照破驛。客子何以娛今夕。不辭金盃醉十分。要開玉花深一尺。

訪盛温如至盛家洲

朱子

昔年聞說盛家洲。今日從容過此遊。萬頃波光涵宇宙。數椽茆屋老春秋。

贈温如竹園

昔日豐城劍。寒光射斗牛。江山餘秀傑。人物尚風流。二妙今難匹。孤帆客倦遊。還家問師友。折節慕前修。

復過盛家洲

欲復問何處。行遲稍認門。路從幽草入。巷與綠楊分。市靜人初遠。言忘意獨存。所經得賢俊。猶足慰斯文。

同温如竹園舟中晚眺

長江一萬里。披豁暮雲空。極浦三年夢。扁舟二子同。離離浮遠樹。杳杳沒孤鴻。若問明朝事。西山黯靄中。

經赤岡望遠山

曉起清江弄小舟。晚風吹過赤岡頭。遠峰自作修眉歛。萬里那知客子愁。

次林擇之韻

豐城縣志

卷二十 藝文

八

萬里烟波一葉舟。三年已是兩經遊。今朝又過豐城縣。依舊長江直北流。

過豐城作

渺渺豐城縣。回頭憶舊遊。晴江羅遠樹。宿莽亂中洲。寶劍今鱗甲。神光向斗牛。他年還記得。此夜一扁舟。

自題盛家洲四景

盛璉

堤邊楊柳鳥聲啼。花醉春風分外奇。一段清香隨物好。無邊光景滿庭闈。

湖上欄干百尺臺。臺邊水殿倚雲開。洪橋人隔荷花語。玉碗冰盤進雪來。

蒼松翠竹映斜暉。野菊花開過客稀。葉底黃虫作寒繭。
雨餘蝴蝶滿園飛。
梅花樹下三間屋。掛壁孤桐盡日閒。有客過門彈一曲。
暮雲殘雪滿空山。

按此詩舊載朱子作。細玩語意定是溫如自題。

曲江亭

李義山

家住千峰紫翠邊。總無餘力買江天。偶陪禁苑衣冠集。
還結磯山杖屨緣。煙艇垂綸紛可數。風帆信棹去無前。
作亭誰助臨觀興。只爲鱸魚也自賢。

甘露臺

豐城縣志

卷二十 藝文

九

掃除黃葉上崔嵬。講座雖虛尚有臺。歲晚喬松典刑在。
煙江疊障畫圖開。不知瑞露從何降。應是慈雲爲客來。
須信中邊甜似蜜。吟詩未足報瓊瑰。

清都觀

于革

石壇雨洗月華新。白帔青藤曳履行。老檜不知仙馭遠。
屋頭猶帶玉簫聲。

感山寺探雪樵詩。僧不遇入旃檀寮。見几上有江南春詩。詢之爲真半顛。雖未識面。亦合寄以詩。

姚勉

欲聽茶鼎轉松風。何事雲房白晝封。應在山中採樵去。

雪深何處問行蹤。

讀君霜葦踈籬句。知得猶存用世心。拄杖借將來解虎。不須堅卧白雲深。

遊曲江分韻得月字

曲江磯頭山翠律。此景江南誇第一。漁舟晚弄烟波開。市樓春映晴嵐出。擁輿寒吟入畫圖。席地草飲成真率。且叩山房僧榻眠。再上山林待明月。

感山寺雜咏

舍舟上招提。遙入松林間。透脫塵俗網。是名第一關。

二

豐城縣志

卷二十 藝文

十

地爐宿松火。紙帳橫梅枝。春蠶撲藪藪。惟有蒲團知。

三

動靜意誰知。妙處作塊坐。高人定不死。枕此白雲卧。

甘露臺

講師會此雨天花。臺築山椒幾歲華。一蓋雲松擎羽葆。四盤江水走龍蛇。好教絕頂峻層出。莫放濃陰蒼蔚遮。應有醍醐餘味在。僧房試覓一盃茶。

華嚴院

黃彥平

懶病尋幽意已忘。茲辰得與步崇岡。一聲啼鳥喚愁醒。百尺遊絲縈恨長。沙際旋供隨意綠。雪餘何物返魂香。

江南春色凡如此。誰作新詩爲發揚。

龍霧洲雪

劉辰翁

此處幾人行。隔波搖暮晴。洲迴江似玦。山遠雪如城。離
合看雙櫓。荒寒又一程。今年梅未醉。最覺別來輕。

景福院

黃執中

娟娟竹影薄。泱泱溪流淺。風生秋意回。野曠天容遠。

登羅山

吳虎臣

兒時聞羅山。窟穴居神仙。念之每欲往。終爲俗累牽。茲
辰復何夕。風日媚晴暄。偶與二三子。徑來踐前言。崎嶇
陟岡澗。峭嶺凌雲煙。厓斷或如瀉。坡平俄若川。有泉何
豐城縣志

卷二十 藝文

十一

自來。但覺聲涓涓。縈迂若蛇走。往注山腹田。徘徊一濯
足。入袖風翩翩。俄登最高嶺。中觀屋數椽。嶙峋老石像。
摩挲不記年。桃花破叢管。一笑爲嫣然。石屏與翠壁。擁
從相後先。物色恣觀覽。萬畝滿眼前。適問從遊人。茲爲
第幾天。不然何秀拔。不與衆峰連。長安在何許。無乃落
日邊。十年苦搶攘。戰血腥戈鋌。誰知塵外客。一壑能自
專。徜徉得此樂。疑已飄飄然。茲遊恐難再。遲留不能旋。
如何林間月。弄影明娟娟。促歸良恨早。正恐陵谷遷。到
家追悔甚。誓將世務捐。卻尋向來路。跡斷難攀援。春雨
正蒙密。澗水鳴潺湲。夷猶不可尚。媿爾無仙緣。

白鶴觀

白玉蟾

藥珠殿裏誦黃庭。誦罷黃庭月正明。腰佩青蛇三尺劍。一聲缺遂鬼神驚。

詩書閣

范仲武

面面山光接水光。落花暗度硯屏香。當軒飛白雲拖練。對酒長吟月在觴。

望羅山

陶弼

尋山入羅阜。旋結草堂居。花露生瓶水。松風落架書。聞猿得句後。見月出行初。此夕雲林下。無因夢使車。

梅仙壇

况志寧

豐城縣志

卷二十 藝文

十一

上疏歸來事可嘆。嶺頭誰為築星壇。先生不食炎劉祿。自拾松花當晚餐。

徐孺子讀書臺分得高字

孫素

吾愛徐聘君。沉冥乃人豪。諸賢構黨禍。皎皎雲鴻毛。平生讀何書。身隱名難逃。故宅照湖水。荒墳翳城蒿。焉知此山中。突兀書堂高。

胡文定墨池分得風字

吾愛胡夫子。抱道來逃空。豈伊桃花源。有此山泉蒙。奏疏瀝肝膽。春秋開盲聾。當年起草處。想見臨池工。願為池上草。永懷君子風。

海覺院次李文溪壁間韻名昂英侍郎

文天祥

閣黎鐘後訪團蒲。江色漫漫晝欲晡。一笛梅邊河滿子。千蓑蘆外筆頭奴。急風吹雁還家未。新雨生濤到海無。本是白鷗隨浩蕩。野田飄泊不為孤。

元

靈槎廟碑詞

劉理

排空騰上靈異彰。蛟鼉回泛助英揚。朔風雨雪不可望。帝命廟食垂衣裳。笑倚長劍任翱翔。游龍靈虬交馳驤。力驅癘疫并螟蝗。咸為哀籲際太康。神兮來歸從東廂。的盧汗血此遊韁。新宮潭潭椒塗芳。遭廻丹蘄漢未央。豐城縣志 卷二十 藝文 三
羅山鳳翥雲蒼蒼。豐水鴨綠波湯湯。賜履有截王無疆。福我壽我慶餘長。我有田疇被青黃。而雨而暘收穰穰。於惟春秋薦蒸嘗。後之千載不敢忘。耄倪世世薰爐香。羣仰仙槎朝紫皇。

劍江驛樓舊曰寶氣亭今撤而為樓

吳澄

雙龍飛去已千年。斗間紫氣夜黯然。却令往往來來客。坐閱朝朝暮暮船。天地與亭俱傳舍。舊毀新成更代謝。舊亭不見見新樓。新樓誰作今州侯。州侯溫溫廊廟姿。三年蒞政民不威。政成遺惠及賓旅。又與江山發新趣。昔舊今新新復舊。劉郎去後何人曹。樓新樓舊謾勞心。

江光山色只如今。著我憑欄觀水際。游目兩間尋寶氣。倚嗟世上無張雷。有缺莫彈歸去來。

劍江驛樓

熊朋來

人生南北幾驛亭。相過豈復能忘情。向來此地多經行。往往所見如褒城。眼中忽然此突兀。飛囊射影魚龍驚。我來欲續王粲賦。今日何日霜初晴。平沙雁寫落木瘦。前山翠抹斜陽明。何當爲我期張雷。相與呼酒澆不平。須臾劍氣天外橫。但覺拍岸怒作波濤聲。

過豐城

傅若金

石泉灩灩照晴暉。山崦茸茸帶夕霏。憶得年時松下路。

豐城縣志

卷二十 藝文

十四

兒童相逐采樵歸。

隔溪篁竹似吾廬。竹裏人家夜讀書。一去故園如昨日。春來頻夢帶經鋤。

白蓮詩

并序

揭傒斯

鄉人李雲紀事母極孝。母死廬于墓側。墓前稻田中忽生白蓮一枝。人以爲孝感所致。進士徐季子赴春官。爲予言。且請賦詩。

蕭蕭墓門。翼翼良苗。我母之思。匪夕有朝。墓門蕭蕭。良苗翼翼。我母之思。匪朝伊夕。良苗如何。中有蓮花。匪生斯生。其理則那。濯濯其華。其葉翩翩。中心悼之。

莫與我言。人之爲言。維孝之格。子曷云然。昊天罔極。

孝子行 爲廖立孫作

豐城昔在至元歲。寇賊紛紛亂如鬼。是時廖生抱母行。不死白刃天有情。固知至願天必感。母子全活見太平。廖生雖死猶未死。往往遺民言此事。有如江革遭亂離。負母潛逃經險阻。情詞惻惻賊舍之。孝德還堪耀今古。嗚呼薄俗鴟獍同。墓上請看純孝子。

望羅山栢塔

虞集

遙瞻栢塔極蕭疎。投老能來幾度餘。山色已隨樵斧盡。屋塵猶護醉翁書。遠懷天上多騎鶴。近愛槎頭可釣魚。豐城縣志

卷二十 藝文

十五

九日懸崖多細菊。可能無意載高車。

榮塘煙雨

甘惟寅

一道榮湖帶碧山。天風吹雨度雲關。樹浮空翠迷邨塢。泉落飛虹瀉石灣。赤嶺豹棲朝氣隱。劍潭龍起夜光還。咿唔何處經年咏。多在湖東喬木間。

劍池夜月

三更月出敞樓臺。邑令清虛府洞開。龍劍光依星渚動。鸞簫聲度海天來。臨淵珠樹涵明月。出壑冰壺淨素埃。東晉物華虛匣在。昇騰空想躡雲回。

明

烏石觀

強立

道人夜誦大洞經。露冷平池雙龍聽。經罷龍歸窗月落。寒風瑟瑟吹松扃。

城南書屋

胡儼

謝病歸來上草堂。城南亭館枕荷塘。莫言性癖耽幽隱。自古豐城即豫章。

梅仙峯

危素

疏諫當年奏漢宮。至今名跡徧諸峯。經臺半掩三花樹。丹臼橫遮五粒松。近水衣裳清露濕。並崖芝朮白雲封。因君更憶非非子。杖履登臨得屢從。

豐城縣志

卷二十 藝文

六

金塘朝陽

孫曰恭

旭日初升百物華。雲林開處見人家。茅齋有客無營係。自起籬邊看菊花。

曲江觀漲咏懷

熊卓

拍江忽傳春水漲。柴門即傍浪花開。帆衝急雨籬前落。鷗逐奔濤樹裏來。已被風光時引眼。更多愁病獨登臺。欲濟何處有舟楫。遲日蘋風生野哀。

遊感山用老杜韻

野寺來遊記往年。入門流水漫潺湲。交游白首憐誰在。塵路青山有夢傳。禪榻卧雲疑隔世。暮鐘聞浦未迴船。

春潮來往君休問。無事沙鷗只晏眠。

古木霜煙一逕修。好風接我上方遊。青山壓戶水長流。
赤日礙林嵐未收。石室籠開看飛鳥。仙人霞舉望孤舟。
箇中會得真如意。前日青牛今白牛。

過正法寺

楊子榮

修篁古木劍城東。城市禪林一境通。繞砌虬龍春奮雨。
滿窗環佩晝鳴風。花明貝闕晴雲護。香裊金猊紫霧籠。
最喜上人情不倦。蒲團盡日坐談空。

密嶺晴嵐

涂善

天際岩堯玉作峯。四時嵐氣鬱蒙籠。光含霧靄晴初散。
豐城縣志

卷二十 藝文

十七

色借烟霞晚更濃。落日丹崖還有影。春風翠壑去無踪。
仙人採藥迷歸路。知在雲林第幾重。

遊感山寺

李裕

寶刹環垣萬竹修。春風匹馬昔曾遊。花前酒醒杯仍酌。
石上碁殘局不收。僧梵有時來客坐。佛燈常夜落漁舟。
最憐甘露亭孤迥。夜夜寒蟾薄斗牛。

過豐城訪肇慶守黃瑩之

陳獻章

雨露亦雷霆。江南稱老手。何處訪君家。龍光射牛斗。

二

水白端陽節。梅紅嶺上花。春風迎去馬。秋月候歸槎。

盛家洲書院

曹壽

一片荒山半畝溪。溪頭茅屋更幽棲。地偏不許閒人到。春盡唯聞好鳥啼。潤透琴書流水近。光生卧榻夕陽西。于今閉戶千年久。解見文光映壁奎。

烏石觀

鄔季生

真人煮藥留遺跡。道士開基結石壇。玉練橫空滄海曙。金虬嘯月翠虛寒。解巾欲掛三華樹。鍊質須成九轉丹。鳴鶴不歸松未老。坐聽清磬出林端。

遊感山寺

朱蘆

我欲餐英學好修。故鄉冠蓋此來遊。蒼含遠樹春雲靄。

豐城縣志

卷二十 藝文

六

綠泛禪池暮雨收。寺古苔封眠鶴榻。江清磯落釣魚舟。乾坤和氣知多少。漢相于今幾問牛。

曲江亭

春日同南沙太尹遊此喜高苔塔至自李克齋香社寺

范慶

滿眼春光誰得分。可堪高士不同羣。尋幽共上峰頭閣。論道全消酒底醺。日暖飛花筵裏落。山空啼鳥坐中聞。忽傳鶴使來天上。驚起閒鷗送落曛。

清明登曲江亭閣

李夢陽

寒食花猶麗。豐江柳處深。此行元感慨。落日更登臨。浩蕩五湖際。風煙千里陰。坐看舟楫急。徒切濟川心。

豐城夜泊

夏至北風起。晚晴涼意增。江船逼新月。沙色亂疎燈。暗
槳故相撥。浮陽還自蒸。倚檣看劍氣。仍見斗間曾。

雨泊豐城

古岸花層濕。陰江鷗半飛。波迴撼船重。雨側入簾微。潭
愛金華湧。亭傷寶氣稀。三年二歷此。腸斷北舟歸。

登曲江磯山樓亭

纜舟金華潭。遂陟岡山閣。蹊徑阻紆鬱。巖水光叅錯。夏
林一何清。餘雨浙未落。高覽景自異。况值晚霽廓。夕日
明錦湍。歸雲擁華薄。近日山嶽蒼。遠樹復岑崿。曠蕩感
寄遇。俯仰嘆今昨。不見往者悲。而觀來者樂。顧瞻大江

豐城縣志

卷二十 藝文

十九

流。愈恨代謝速。源湧竟誰禦。謙守諒能曲。所貴遺榮名。
覩義願有勗。

豐城阻風

前歲遇難于此
得北風幸免

王守仁

北風休嘆北船窮。此地曾經拜北風。勾踐敢忘嘗膽地。
齊威長憶射鈎功。橋邊黃石機先授。海上陶朱意頗同。
况是倚門衰白甚。歲寒茆屋萬山中。

重登黃埠腦

一上高原感慨重。千山落木正無窮。前途且與停西日。
此地曾經拜北風。劍氣晚橫秋色淨。兵聲寒帶暮江雄。
水南多少流亡屋。尚訴征求杼柚空。

遊東門白雲寺

羅洪先

清淨東門寺。幽閒禪坐宮。寒潭波漾月。翠竹影搖風。野草年年綠。山花月月紅。乘閒登此地。不讓海南峰。

堯山

張鏊

松檜參差石磴斜。遠公飛錫便成家。鶴巢上界依仙頂。龍叩諸天問法華。故國風煙聊倚杖。當年翰墨且籠紗。定鐘何處仍回首。明日白雲江上沙。

龍光書院訓勉

鄒守益

干將兩古劍。石函閱幾年。精光不可揜。猶自動星躔。况此剛大氣。亘古本浩然。驕吝一害之。智井聚蛙蝮。不有豐城縣志

卷二十 藝文

三

乾乾功。龍德何由全。淬劍亦有術。學聖豈無傳。

迴瀾閣同陸池山觀濤

涂鉉

江練斜分水。急流隔谿飛。瀑遶新州。高人亭倚懸崖立。逕客船隨返照遊。登覽也知憐舊燕。坐忘真可狎輕鷗。誰言此地無佳景。洗盡塵寰萬古愁。

遊梅仙山

宋儀望

白雲在深山。山深轉空翠。古木凌飛煙。叢竹亦森邃。梅公隱何時。漢道昔云季。當其抗言時。鼎鑊寧足畏。一斥渺何所。去作南昌尉。茲山信超曠。盤鬱多佳氣。幽棲亦何為。豈不以我貴。一朝變姓名。挂冠從此去。新舊相太

息。妻子不知處。余亦骯髒人。誤觸當時諱。見機苦不早。撫已有深媿。永願謝塵緣。長往從吾志。

堯山

魏時亮

堯峰佳處有幽人。漫檢圖書席上陳。坐灑清風迴海嶽。興隨好月到江濱。千年暴濯懷秋漢。一竅精光轉日輪。寄語同袍慎離索。共求真果必求因。

月夜登曲江亭餞人之京

李貴

山回江曲水明沙。澄景秋宵月轉嘉。石出江蟠龍虎卧。山空臺傍斗牛斜。波光隱見迷鷗渚。樹影參差護客槎。一笑濤驚神劍躍。贈君長佩向京華。

豐城縣志

卷二十 藝文

三

感山寺和江惟化韻

徐袞

不事幽尋不到山。喜隨方外脫塵寰。石橋路逕栖遲處。天竺溪流想像間。景入花香時撲撲。春催禽語自關關。晨鐘喚起西堂坐。又聽聲聲雁北還。

冬日遊感山

雷暎

晴冬結伴入招提。水曲山迴路欲迷。古檜婆娑臨玉砌。陰蘿繚繞護璇題。談經幾見天花墜。覽勝渾忘夕照低。自愧風塵徒擾擾。無緣飛錫寄禪棲。

登曲江亭同劉兌陽

李啟美

興來漁艇暫盤桓。陟磴捫蘿上翠巒。浴日江濤天際落。

傍人山色兩餘看。亭臯話別秋雲杳。斗下銜盃劍氣寒。
拚取劉伶今夜醉。止堪白也共投歡。

望羅山

陸應箕

秀嶂分霄半。青螺近日邊。千巖雲作帶。萬壑樹爲煙。望
隔人間世。神遊洞裏天。遥遥笙吹起。鸞鶴引群仙。

過始豐山觀劉海蟾真跡

仙子當年去不還。空留仙篆白雲間。晴煙縹緲燒丹竈。
古木蕭蕭採藥山。自覺龍蛇騰石壁。可能鸞鶴駐塵寰。
請看昔日揮毫處。直至于今色尚殷。

遊感山寺

袁懋謙

豐城縣志

卷二十 藝文

三

野寺春遊霧靄侵。山僧門徑費幽尋。千帆遶座因江曲。
衆鳥歸巢愛竹深。嶺月夜窺華鬢相。松風晝作海潮音。
禪關不似僊源隔。莫遣桃花護洞陰。

江雲浦樹澹諸天。坐久空香撲梵筵。出寺山鐘遙送客。
遶門花雨擁參禪。擬從此地成真果。更向何方托勝緣。
要識遠公心不碍。千峰明月蕩漪漣。

月夜登曲江樓識別諸子

劍水逶迤通章水。迴環屈曲限中沚。沙如滿月月如沙。
樓臺倒影澄波裏。扁舟幾日滯吳臯。故人杯酒美遊遨。
驚看素髮俄成嘆。忽灑新詩興益豪。此別相望才百里。

吁嗟故人心尚爾。登樓遲月月在尊。四面江光冷侵几。
酒船次第江上來。烹鮮更盡掌中杯。今宵愛月愁分手。
明日停雲獨上臺。臺上月如今夕好。人生一別一回老。
蘭菊經秋惹恨多。雁鴻中夜傳霜早。非關離合易生悲。
戀爾多情金屈卮。預想屋梁回夢日。轉見江樓對酒時。
登磯上樓同傳敬初分賦 黃汝亨

盡是他鄉客。同登磯上樓。斗間橫劍氣。山下折江流。日
影片帆落。雲光半檻收。無爲問蝸角。勝賞且淹留。

遊感山

湯北京

爲愛招提深積翠。自公雙屐恰情歡。閒心偶與風旛會。
豐城縣志 卷二十 藝文 三

野性翻從麋鹿看。鐘向夕陽樵唱合。香于竹裏梵音寒。
無端簿領相縈迫。踏月歸來意未闌。

寶氣樓燕集

邱士毅

雨歇三春後。樓開四望中。野航凌浩淼。平楚間青葱。飲
劇浮新玉。潭深起暮鐘。驚人詩在耳。帝座若爲通。

劍池

龍劍成龍龍已飛。龍池故跡尚依稀。一朝變幻終能合。
千載精靈底不歸。月印蒼波涵古色。霞縹紫氣辨餘輝。
張雷祠下殘碑在。讀罷風雲擁客衣。

遊白雲寺和羅念菴韻

李維喬

東林開淨域。城闕秘琳宮。花落渾飄雨。幡飛却動風。鐘聲千古寂。龕影一燈紅。何必遊天竺。居然第一峰。

藥湖

余曰德

靈泉鳴玉液。窈窕稱仙湖。介嶺山仍截。石龕水自紆。河源遡濯錦。霞綺明流酥。鍊藥何年事。驛駒蹟有無。

遊曲江從盧使君夫子

楊惟休

槎回憲節遠開牙。露冕還紆問俗車。旆擁星文臨閣道。筆懸春彩映江花。飛濤夜撼雙龍折。曲檻光吞九鳳斜。緩帶趨陪清嘯晚。千山落日起明霞。

紫府觀

陸元衡

豐城縣志

卷二十 藝文

古

石澗流沙九派分。蕭蕭木葉萬山群。谿源不礙秦時路。鷄犬猶攜晉代雲。但訪仙蹤游倏忽。無關人境轉紛紜。杖藜散步藤蘿外。似有簫聲嶺畔聞。

過豐城

劉同升

細雨順風檣亦斜。岸移百丈過江沙。水邊一樹垂垂白。春晚棠梨尚著花。

泊龍頭山

史垂譽

閒步江村踏淺沙。疎籬茅店野人家。春風依舊生青草。指點斜陽數暮鴉。

密泉篇

有引

胡學浹

密山有泉佳甚。從無稱焉。余自丁卯讀書山上。始因
題曰密泉賦。密泉篇以紀之。

密山之巔高插天。蒼樹白日繞晴煙。江水帶圍披素練。
松風葉隙響朱絃。逶迤杳靄深樵路。石磴仄出瀉紅泉。
世人嘖嘖惠山傳。那知此水直萬錢。瓦鐙盛來活火煎。
茗新湯嫩甜中邊。我與此泉約為主。午天夜月展新編。
讀罷爐聲沸耳鳴。對泉獨酌自嗎然。因憶去年醉金山。
脫巾大叫狂欲顛。風雨劍舞驚瑤席。雲烟筆落染花箋。
金山之泉泉澄鮮。素縷萬尺通長川。斟來芬芳撲醉面。
山光水色共留連。此泉非復金山泉。二泉平等莫誰先。
豐城縣志

卷二十 藝文

五

若言甘冽沁雙頰。此泉聖兮金山賢。山靈欲語無可語。
淹抑不知幾歲年。赤日火雲飲渴鹿。淒風凍雨下飛鳶。
我今兩腋挾飛仙。對君高唱密泉篇。莫愁世路無知己。
三尺寒泉空抱憐。

東門白雲寺次羅念菴韻

時同丁伯厚圍棋

踏晴穿曲逕。城下法王宮。春滿湖湖水。花飛樹樹風。苔
深雙屐綠。佛暗一燈紅。終晝酣棋劫。恍疑海上峰。

晚次豐城踏沙行

吳秉仁

樹遠烟迷沙。明鴉亂山頭。一抹斜陽淺。望中城郭片帆
收。桃花水漾東風軟。劍氣潛消漁燈隔岸。清宵耐盡

孤蓬掩閒愁。大半旅人多。旅愁又在黃昏半國朝。

舟過豐城

施閨章

孤城暮蕭瑟。北風一何寒。飛沙捲宿莽。饑鳶叫哀湍。寶
鈇沉幽壤。光騰雲漢間。一朝剖石匣。拂拭曜琅玕。離為
兩雄飛。合為雙龍蟠。神物竟安往。顯晦邈無端。虎豹今
咆哮。芙蓉氣凋殘。鉛刀笑霜刃。壯士多苦顏。繞指風懷
挫。倚牀終夜歎。起行看太白。淚下空潺湲。

劍池

王舟瑤

舍擢遙遵陸。悠悠屐屢停。池云埋劍處。水尚帶龍腥。日
豐城縣志

卷二十 藝文

五

舟過豐城

徐緘

暮山逾碧。祠荒草自青。千秋奇絕事。獨立想精靈。
青天城郭壓。颿檣綠樹陰。陰覆古隍。共道中丞從此去。
用王文成事誰憐神物至今藏。高飛鶴鶴餘兵氣。遠岸漁樵
渡夕陽。破浪真成犯牛斗。獨攜長鈇向蒼茫。

遊蓮湖

即平港湖

熊儕鶴

豐城古澤國也。東南多湖。而不以湖名。雨餘潦合。滙
派瀾涯。則時為湖云。爾當其為湖室。廬鳧浮堤。橋梗
斷。雷雨乍冥。風日倏麗。遙青冑。山澹烟帶。郭月湧波。
流火明岸。曲景不一。設致有殊觀。余同十四人。泛遊

其中顧而樂之曰。西子郎官寧是過乎。未經品題幾
令湮沒。各賦詩以勸遊。庶閱蹤而稱勝。時戊戌夏五
也。

留連聊自適。感慨更誰陳。擊楫厘南土。瞻星戀北辰。放
歌緣有客。邀月若無人。高會良堪舉。名區那復湮。

春日同邑侯宗有六遊白洲花塢

百里侯封十里花。遊人似我興真奢。爲看桃李村村樹。
得問畊漁井井家。舊識雙鳧飛碧漢。新從五馬踏堤沙。
邑侯時擢晉陽守風流不使春歸早。月滿前騎薄路斜。

月夜泊舟曲江

謔名臣

豐城縣志

卷二十 藝文

七

暮煙浩無際。冷然太古色。維舟傍石磯。浮山攜滿月。蒼
翠拂面來。亂雲流不歇。波光曲如環。似爲月所窟。瀉影
入素潭。奇氣徧林樾。夜深村火微。聞寂塵世絕。端坐寤
古人。三賢誠一轍。感慨北風生。呼朋理雙楫。

龍山秋望

文可紀

年來幾棹逸登臨。乘勝還憑幽杖尋。繚繞江光迴古岸。
澹澄秋氣擁高岑。檣飛浪鼓虬生吼。蘆隱汀歌雁掠陰。
指顧風烟堪極目。摩挲遺碣昔賢心。

瀚樓新成陪宗明府登覽

黃叔鉉

傑棟崇臺枕上流。一城鼙鼓睠同遊。南臨梅尉餐霞嶺。

北擁文山捧日樓。共沐澄清章水月。無勞籌畫稽人秋。凭高直與雲霄近。漠漠烟波萬頃舟。

杜母百歲歌

陳上善

豐城城北杜家里。千章古木環江水。中有長年阿母家。百歲筵開三月裏。生平荆布自安貧。語笑猶如少壯人。曾見六朝多搶攘。于今喜遇太平春。大兒前年八十一。小兒最少六十七。孫子行年甲亦周。一時人瑞誰能匹。團團羅拜喜稱觴。諸婦當筵鬢未霜。冢婦精神更足異。再歷九年亦百歲。

豐城縣北十里。磯頭山上有曲江祠。朱文公往還

豐城縣志

卷二十 藝文

三

湖南。時與李後林、姚雪坡遊此。後人因奉粟主以祀三賢。詳見李崆峒祠記中。今以韋武陽易後林者。訛也。

查慎行

贛江西南來。天矯北走龍。到此乃東折。磯頭扼其衝。是名曰曲江。形勢險且雄。扁舟清夜詠。倡自紫陽翁。同時李與姚。杖履偕遊從。三賢列祀典。蔚爲名教宗。世俗不好古。變置靡所衷。作詩糾繆誤。兼以警盲聾。

暮春遊海慧寺宿洞明寒碧軒

李子瑋

古寺何年創。前朝有勅書。雲藏松徑曲。風動竹窓虛。客到神先肅。僧閒步自如。齋堂方飯熟。頭上日當除。

只似遊方者。初來到上方。塔留僧骨古。燈照佛容莊。以未刪繁竹。因而易夕陽。五更鐘磬動。幽夢滿禪牀。

密嶺

杜曰讓

瓊花琪樹遍仙宮。襟帶河流瞰遠空。萬壑密雲藏澗髓。一天霖雨散松風。穿窻幽鳥啼無盡。出峽山泉聽不窮。長日飈車無近遠。我生南北又西東。

竹林庵次韻

黃炳召

花宮梵響曲城邊。忽漫相逢憇柳烟。大歷詩人皆似玉。已公茅屋恰如船。午風籬落雜紅碎。夕照峰巒空翠鮮。不用典衣添客醉。青蓮香甕湧春泉。

豐城縣志

卷二十 藝文

元

金花潭

王士禎

傳是瑤華跡。江潭獨黯然。倉皇浮五馬。憔悴掩雙蟬。玉輦歸松漠。金花沒劍川。忘機羨鷗鳥。不識靖康年。

豐城曲江亭

磯山高百尺。磯下曲江流。芳杜蕭蕭暮。金花歲歲秋。青峰相嫵媚。白鳥自滄洲。已矣干將氣。宵分望斗牛。

登仙壇

胡之姓

仙自何年去。叢篁抱一壇。江城天欲曙。鶴背玉笙寒。

劍迹

在密嶺

鳥道逶迤白雲裏。就中一石平如砥。何人忘却古魚腸。

千年共訝成秋水。到來猿鶴盡相疑。無數漁樵不敢指。我欲借君斬不平。苔花繡濕揮難起。

遊感山海慧寺

時自章門放舟歸縣

高岑

滕王閣前夜放舟。逆流破浪乘清秋。風帆得勢如飛鳥。倏忽百里驚雙眸。明星漸沒風漸息。扁舟暫艤江邊洲。曉山一抹近在望。舍舟從陸窮其幽。我聞此地有勝蹟。雪坡遺韻猶風流。樞衣舉步過前嶺。霜楓一片寒飈颼。境僻轉深疑無路。寺門兀立山之陬。循廊乍入萬籟寂。但聞啼鳥鳴鈎輶。山僧為我作前導。松杉滿院陰雲稠。禪房那有塵可掃。杳然宴坐忘煩憂。量泉然火烹茗茗。

豐城縣志

卷二十 藝文

三

清香滿泛山中甌。從容更為作麥飯。盤餐筍蕨供頗周。迤西塔院亦勝地。又復邀我同過遊。千竿萬竿竹夾徑。閒房半歌誰添修。嗟我作吏僅一載。風塵鞅掌無時休。縱使未必俗徹骨。對此山色徒增羞。蕭然心跡忘去住。回首頓覺浮生浮。白日西下風更作。舟子促歸不可留。解纜鼓棹去轉疾。晚鐘遙發聲悠悠。城門半啟待歸客。仰見涼月明當頭。

水草園

借唐又程彭小范袁象西蔣德章周秉文宿此分賦

張師賢

修竹干雲淨。將詩刻上頭。月明初捲幔。鐘韻乍辭樓。轉覺襟懷別。渾忘節序遒。他年如結社。始信此山幽。

自籟夜深聞。拈題韻復分。雜花籠曲檻。遠岫宿層雲。衲子堪同老。儒宗自入群。未能拋擾事。谷口憶耕耘。

高原

杜名世

曠絕高原寺。何如濠濮間。風生無靜樹。雲出有疑山。竹色留牆古。苔文貼地閒。水濱雙燕子。試問幾時還。

讀鄧武橋先生橫戈集

熊履廷

能兵亦復羨能文。一驥真空萬馬群。宇宙此生惟賭命。朝廷多忌不書勲。戰餘酒醉營前月。吟就戈橫海上雲。洞滅麻陽芳草在。而今尚識鄧將軍。

大水歌

豐城縣志

卷二十 藝文

三

嗟我豐城大如斗。贛吉臨袁水之口。春夏交漲勢建瓴。衝堤裂岸雷聲吼。廬舍漂沒陵谷遷。屈指安能數某某。城頭但見鳧鷗宿。村中儘教魚龍走。捲將禾稼入洪濤。那計千疇并萬畝。滿篝滿車轉盼間。終歲之望成烏有。青黃不接桂玉難。泣對波臣徒疾首。十八年中四見災。嗚呼是誰職其咎。馮夷一怒頗泰然。可知民不堪命否。

遊龍山并至感山寺

袁孔邇

摘權秋江江欲寒。逃名何必把綸竿。砥波一柱峙今古。印月三潭定激湍。結社尋僧禪室寂。放眸踏閣客懷寬。感山寺在磯山下。笑指碧雲紅樹端。

咫尺名區放誕遊。梵音松籟雜賡酬。茶烹靜域叅三字。
酒醉群公破四愁。段段烟村依曲水。聲聲鴻雁逼江樓。
舟回頃刻飛天鏡。更擬同披落帽秋。

小石山 山在藥湖中間

周林德

四十里湖光。斯山爲之骨。雲裏磬一聲。西竺高人室。

劍池次陰鏗韻

雙劍歸何處。千秋蹟不移。空留雲卧樹。時見月窺池。碧
落倒清影。寒魚唼綠漪。斗間迷寶氣。誰復問雄雌。

孤山

夏汝祺

聳翠凌霄漢。孤峰欲冠群。縱橫開地軸。吐納映星文。排

豐城縣志

卷二十 藝文

三

闌秋飛爽。舒屏暮捲雲。芙蓉看秀發。佳氣共氤氳。

植村望超山

史萬育

幽崖疊疊幾多重。松樹枝頭有路通。樵擔入雲穿石壁。
不知何處覓仙踪。

過感山寺

盛逢瀾

屐齒苔痕過感山。漫勞布席歎衰顏。古今兩鬢韶華易。
天地一罇逆旅閒。適意寧辭江月上。無心恰伴暮雲還。
勝遊此後應須繼。回首林巒興不刪。

新堤落成志喜

地迥吳皋窪。百谷衆流匯。每值霖雨時。瀰漫似瀛海。田

廬遍村落。護衛恃堤在。修圮苦無常。綢繆仗賢宰。今夏
溪流漲。懷襄及爽塏。洪濤入城湧。稽天勢危殆。居舍魚
鱉遊。藻荇掛門根。樓臺水面浮。市中槩歛乃。長吏恤民
瘼。引咎曰予罪。繪陳鄭俠圖。大吏甚嘉採。須臾議修築。
悉病不忍待。策力收群工。趨事樂無怠。經營出公帑。民
力喜不痠。沿江興役車。舊貫無妨改。高厚尺寸間。視前
數加倍。長虹撼巨浪。夾岸聳崔嵬。譬彼防敵兵。深壁據
堅壘。萬姓慶安瀾。比戶見樂愷。懋哉功德垂。足銘鼎與
鼐。鋪張語難盡。約略珥筆載。

登三角山

劉啟江

豐城縣志

卷二十 藝文

三

崎嶇盤曲路。蠟屐謾思來。指顧千邗渺。嘯歌萬籟開。仙
峰低日月。浮邱山會懋此山樵谷宿風雷。蒼翠交橫處。猶傳孺
子臺。

訪寶氣亭

唐鍾毓

寶氣何年轟。一亭空繫之。瞰江無剩影。鐫石有餘思。謂李
黃二指點斜陽渡。低徊古驛岐。涪翁留絕艷。客步費攀
追。

過海嵐寺

甘綬

覓徑疑無寺。到門始見僧。奇峰留客住。幽閣耐人登。雨
後林逾靜。風生水自澄。纖塵從不著。塵尾共高朋。

磯山閣

唐光雲

一磯突向長江盡。講屋層開四望中。岸曲巒迴涵半月。

閣虛樹古有餘風。上祀三賢金花潭近朝飛鯉。根篋洲橫晚

住鴻。遙入畫圖吳楚界。直干氣象斗牛宮。閒雲每許分

僧榻。斷碣頻摩闢草叢。杖屨往來千百輩。扁舟此夜意

誰同。朱子過此有此句

秋過感山

借周秉文李采衡起本緣上人約

徐文弼

野館秋風寂杜門。偶陪杖屨歷隄根。紅添江樹留霜跡。

白滿洲沙帶水痕。嘹唳雁聲寒到浦。悠揚漁唱近臨村。

尋山每有豪吟興。一路詩情共細論。

豐城縣志

卷二十 藝文

詩

黃葉蕭蕭古寺秋。松陰虎卧記重遊。金沙池上懸屐迹。

花雨臺前點石頭。冰月僧閒修竹院。烟霞人語夕陽樓。

木樨歸帶香風遠。十里澄江逐暮鷗。

文明塔

李吐萼

江城迤東南。一塔標特兀。故址析廣豐。增營出窪澤。緬

迺規畫時。精神獨橫截。通府開鴻濛。三令恥跛斃。伐築

異道謀。湧地見山骨。七級高于雲。峭突莫能攝。吁嗟各

浮圖。侈幻振氣結。睠茲表文明。倚天豁眉睫。絕頂窺海

東。晴霞帶霏屑。噴薄宵熊熊。直欲斗光接。栢塔連蕭疎。

猴尖並截竄。撩翠飛青遙。剝苑俯一切。翔影癡冥鴻。棲

禽借風翻。林陌生消泮。砰激魚龍驚。蟄迴豐富流。蒼茫
入超忽。郁郁敷烟疇。蓬蓬點沙凸。萬象紛攢羅。摩娑送
雉堞。平瞰寶氣樓。下咽珠湖月。宮墻相面臨。鐘鏞發竦
悅。景仰環芝楹。江山萃秀傑。昔時坤樞鍾。烝皇弼彪列。
樹立凡霄崢。藻華亦日揭。隆然今具瞻。得不破萎荼。壯
夫心與俱。謾悵梯磴絕。

讀豐城縣志得六十四韻。東同門唐萃亭兼寄志。

局諸君子

廣昌賴晉

奕奕古豐城。建安南州附。卜食豐水西。富城城已故。今
治遷永徽。沿革經朝祚。九野列分星。南斗入幾度。雙劍
豐城縣志

卷二十 藝文

五

獄中騰。卓哉張雷顧。至今榮塘春。石匣風雨暮。東望讀
書臺。楮山足千古。西過飛鴻嶺。子真餐清露。羅山南境
峙。形勝跨吉撫。神仙三十七。始豐福地著。龍頭北極臨。
曲江文瀾泝。峩峩三賢祠。風聲起沉痼。四封名勝多。齊
諸謾參互。誰遇浮邱翁。王郭虛名付。誰建黃金城。吳臯
傳謬誤。爭懷孝感泉。須辨吳王墓。郊環十七鄉。水種六
萬戶。山谷語窪突半湖田。長洲起龍霧。民氣戒囂凌。里俗
敦儒素。人文崛起豪。亮節光寰宇。孺子漢高士。知幾遠
黨錮。有唐王季友。少陵極推慕。煌煌趙宋興。奎壁中天
遇。屈指百餘人。名實森記註。元首揭文安。史家推獨步。

儲才與正心。兩言足施措。前明朱閣學。名震遼東戍。夢
裡編春秋。述神歸心悟。尚書十四人。先瞻齒德具。黃公宗載

學術正大傳。徐公鐸土木忠肝吐。丁公鉉黜幽惜人才。李公裕

詭冒汰軍旅。熊公繡儒林宗伊洛。楊公廉征倭勲業樹。李公遂

發奸拂貴臣。喻公茂堅忠勤邀簡注。雷公禮來復啟六箴。李公璣

建文追廟耐。范公謙援蜀功堪念。熊公尚文微時神呵護。邱公士毅

正色鋤權璫。懋修聖學疏。唐公大章或披宛委書。蹲鴟能辨

芋。或調寬猛懷。赤子歸乳哺。渠隍保障深。饑民通哀籲。

單車撫賊巢。殊方伸勦捕。不避交趾危。直將兇瑾忤。慘

慘河陽驛。荻花同贈賻。桓桓鄧將軍。朝鮮英魂塑。理學

豐城縣志

卷二十 藝文

三

守先賢。宮牆培正路。勝國多偉人。輝映扶桑馭。繼起擴

芬芳。昌熾符時數。頻儲九鳳材。不受山靈妒。獨惜五水

驕。能使波濤怒。內窪外隆隆。崩塌河神懼。堤始永徽年。

長虹亘水滸。築埽首辛公。一仰安瀾渡。堤正而埽奇。兵

法機宜布。心計閻馮夷。未雨綢繆固。豈無徐侍郎。河防

操備豫。豈無黃主簿。身先夫役苦。誰實教家湖。洲移苦

竹土。滄桑幻化工。錯綜有神務。不吝內帑金。慨念窮簷

賦。蓄洩操遠謀。眾中防暗蠹。舊乘失陳因。新書真楚楚。

堤防溝洫篇。凜然相勸諭。雅健其素長。刪盡閒字句。同

室聚馬班。鴻才自奔赴。豐城過金城。筆鋒神鼓鑄。

諸集標目 附

王季友集一卷 元結篋中集載季友詩二首是集有七篇而篋中二首未載

毛炳詩集 見龍衮江南野史

至孝通神集 過昱類成三十卷

敷山集 孫發著

永晝文集三十卷 豫章野錄二卷 補白氏文帖

炎興傳信記 俱孫褒著

玉隱文集 周禮備檢纂一千八百門 詩詮總辨三

卷 邇說續蠹 離騷補傳 稠林類稿 俱孫奇著

三餘集 黃次山著

豐城縣志 卷二十 藝文 三

喝藥說 揭伯徽著

東谷文集二十卷 王樞著

松谿集 范瞻著

退軒遺稿 默軒詞一卷 劉德秀撰

孟子說十四卷 西岡錄三卷 師門問答三卷 俱徐時動著

徐如晦遺稿 公為文未嘗立稿亦不甚顧惜遺稿僅數百篇

棲碧類稿 王允文著

東軒思說 尊王大義 左氏本末三傳制度辨 唐

史撮要 唐史類從 唐史異聞 易元虛辨 七

史歷義 三正辨 大衍歷數議 歷書總論 諸
史歷要 本朝典故會粹 俱范飛卿著

范德動文集

李修已文集十卷

竹坡文集 黃疇若著

溫如集 盛璉著

冰雪林集 孟程著

餘姚集 徐孝伯著一名資深中乙科主餘姚簿

候簿起算法 算法考異 覺溪集 俱徐璿著

漫堂集一卷 鄧元撰

豐城縣志 卷二十 藝文

三

鳳舞集 周幡然著

舊山集 揭飛雄著

象山集 道德經註 豫章錄 臨汝編 補東漢年

表 俱熊方著

竹園集 于革著

草堂文集二十卷 九新經二十卷 孫氏歷傳十二

卷 歷術外編七卷 明天辨疑一卷 大歷賦一

卷 清臺考類圖 六歷辨疑 步會復古錄 欽

天補遺歷 大衍名例十卷 五星訣錄 小過大

過詳譜一卷 俱孫羲伯著

翼孟音解九十一條 陸筠著周益公必大序

尊經辨 春秋本末 俱范士衡著李諫議大異張左史貴謨皆為之序

栢軒文集 王衡仲著

盤隱遺稿 雜著 史論七十一篇 俱孫默著

立齋文集 玉海一百卷 大唐風雅四卷 深衣纂

要一卷 春秋辭令八卷 莊子辭令十卷 俱孫伯溫著

大易發揮 莊子章句 俱徐端方著

西堂雜著十卷 對越集四十九卷 俱范應鈴著

皇極要論 禹貢圖說 俱黃千能著

四六雲錦集 熊埜著

豐城縣志 卷二十 藝文 三九

家乘存稿 熊如淵著

園中類稿 洪淵著臨川吳文正公為之序

平湖集 張弘毅著

竹林雜誌 徐肇著

應事稿 製美堂漫錄 思過錄 後林遺稿 俱李義山著

泉谷奏議 講議 鹽楮議政稿 歷官對越集 文

苑菁華 手編漢文類 泉谷文集 俱徐鹿卿著

五經考翼 甘繇範著

矩山文集 徐經孫著

王邦作文集

性理彞訓 造化六合論 海潮論 為政監 古今

名臣事蹟 豐水志 俱王孝友著

困學樸詞 狐白裘 炙轂輟 鴈峰猥稿 章貢讞

議 定菴集 俱甘茂榮著

留皮集 黃竑著

自堂存稿 陳杰著

胖齋集 熊大經著

義方輯略 范九齡著

春秋集傳 讀易正人心 心開劄記 惠明雜錄 俱陳

友沅著

豐城縣志 卷二十 藝文

四

山房雜著 徐思立著

宏詞擬稿 讀書管見 宋史提綱 稼村類稿 俱王

著

劍南稿 甘起岩著

易傳宗 書傳通 詩傳微 禮記釋 四書補註

老子釋言 俱陳煥著

後泉散人集 徐子端著

西沂雜著十卷 蒙溪鷄肋稿十五卷 俱陳雄飛著

五經集解 小學領要 胡氏律論 古韻 歷年大

紀 天慵文集三十二卷 瑟譜 俱熊朋來著

徐倫詩集

節軒集 甘同叔著

北巖慚稿 范宜損著

揭文安公集 揭學士詩 俱揭傒斯著

一齋集 熊均正著

續豐水志 李克家著

燹餘集 熙真集 冀越集 地理西南夷補志五卷

元京畿官制二卷 俱熊太古著

春秋成紀 熊復著

析津志典 熊自得著

豐城縣志 卷二千 藝文

里

周聖任詩

四書解 皇極經世解 太極圖解 通書解 日用

漫筆 俱朱本著

明初文集 史通綱目 史書辨證 歷譜八卷 俱孫印吾著

著

熊敬遠集

樗櫟集 甘惟寅著

蒙菴集 甘衍著

管窺餘論 陳會著

皇極經世書說 朱隱老著

詩經解頤 一齋集 遼海集 詩經輯釋 史輯俱朱善著

采芹集 朱叔服著

聽雪蓬詩集 劉秩著

蒲菴集 僧來復著

韻會訂正 通鑑綱目音釋一集 孝經註解俱孫予初著

遜世遺音 黃堅著

損齋文集 黃宗載著

西澗集 大器集 金陵稿俱熊直著

宦遊集 歸田錄俱孫曰良著

豐城縣志 卷二十 藝文 里

規山集 熊昱著

芝山集 公餘草俱熊槩著

野齋集 聶用又著

祿階本 西秦詩稿俱夏希純著

朝回紀實 宦遊集 存拙稿 豐城縣志俱熊觀著

金陵稿 滇南稿 朴翁稿俱劉華甫著

復菴集 楊崇著

策要 歷代帝王一覽歌 應山志 豐城志稿 南

北紀行 立心詩稿俱杜立著

古澹餘力集 楊文恪廉萬安劉挺序孫玘重刻謝僉憲廷柱序

三朝奏議 南臺史鈔潘司張元禎序東藩倡和詩集 歸

田訓 閒居雜記十卷 政事略 正家條約俱李裕著

韋齋奏議 涂棊著

方塘文集 李漢著 泰和劉鴻輯其稿為之序

翼愚存稿 逸叟後稿 李槩著

六書音義 涂觀著

熊士選集 熊卓著 督學李夢陽往弔其墓收輯遺詩得六十篇刻之學宮 督學張時徹重刻增為百二十九篇皆為文序之

欽齋奏議 恤刑稿 俱涂謙著

二程年表 太極圖纂要 洪範纂要 深衣纂要

豐城縣志 卷二十 藝文 三

皇明名臣言行錄 大學衍義節略 經世啟鑰

皇明理學名臣言行錄 豐城名宦錄 武寧縣志

綴算舉例 伊洛淵源錄 新增 分類程氏遺書

分類程氏外書 分類象山語錄 月湖選註詩集

算學發明 先天後天圖學考證 醫學舉要 名

醫錄 星略 禮樂書 鄉飲酒禮 月湖奏議

畏軒劄記 畏軒年譜 楊文恪公集六十四卷俱楊廉著

徐氏嘉隆集 兩臺疏草 俱徐南金著

半古文集 留清稿三十五卷 范文盛著

半松集 半松奏議 范兆祥著

默齋吟稿 胡全著

約心編十一帙 糾行錄三帙 胡裕升著

質軒集 丁鍊著

知足稿 李延著

訟齋集 江潭著

雙岡集 江淙著

饑豹冗遊 桑榆稿 俱李萬平著

兩窻集 江魚著

介夫存稿 李琳著

豐城縣志 卷二十 藝文

四

西峰遺稿 吳祺著

成齋文集 陸時通著

紫微館錄 陸漳著

服制辨疑 豐川文集 葉釗著

南山詩集 李金著

思軒集 楊敦著

敬齋文集 楊康著

朱子孝經刊誤集註 薛文清公讀書錄抄二十四卷

豐城志稿 平菴四論校正 證治類方 認齋稿

俱楊孜著

一映集 夢蕉集 夢蕉詩話 博物志補 夢蕉別

集 夢蕉續稿 夢蕉存稿 俱游潛著

正志集 高宇著

西野遺稿 李璣著

雉蜚集 熊茂著

敷泉詩稿 孫溉著

澄山雜稿 涂捷著

蒙泉文集 楊銓著

易本義測 鄧鏞著

便民纂要 二水文集 孫世祐著

豐城縣志

卷二十 藝文

四

家食錄 遊宦集 俱朱芾著

池山集 陸夢麟著

碧潭遺稿 杜子麟著

木軒吟稿 李縉著

公暇蕪言 入蜀稿 雷賀著

未軒集 李俊著

皇明大政記 內閣行實 列卿實紀 銓曹表 江

西進士稿 督學表 百官表 豐城人物志 真

定府志 豫章人物紀 太僕寺志 唐宰相傳

古和詩稿 古和疏稿 宋兩府年表 明元魁表

豫章科目表 豐城科第紀 各省世宦表 鐔墟

堂稿 事紀 俱雷禮著

應洲奏疏 雷瀛著

文稿六卷 詩稿二卷 語錄三卷 督撫經畧本兵

一疏稿 公移八卷 俱李遂著

曲肱夢語 高杏著

東亭遺稿 徐袞著

論語大意 大學約言 中庸庸言 性善編 四大

儒書 經說萃編 嶺西兵政抄 俱李材著

槐莊存稿 杜士希著

豐城縣志 卷二十一 藝文 吳

督撫三藩奏議 杜拯著

南江遺稿 黃進著

憲副遺稿 范慶著

小川遺稿 黃翰著

齊民要錄 諭俗十三條 約察五事 俱杜摺著

愚忠錄 西隅初集 俱郭希顏著

滁上稿 胡杰著

雙栢堂集 范謙著

四部稿 李廷觀著

白雲窻草 惜陰評纂 俱李廷謨著

雲間集 塗說 熊劍化著

李浣所集 豐乘 李貴著

太史遺編 尚友稿 李啟美著

倦遊稿 徐州牧著

橫戈集 鄧子龍著

北臺疏稿 蔣汝瑚著

吾美樓集 卬士毅著

虎谿詩集 袁懋謙著

西臺奏疏 李右讜著

出山詩 李右諫著

豐城縣志

卷二十 藝文

巽

正學堂稿 來益堂稿 周禮說 五經說 四書論

荅 中州問荅 儒宗要輯 俱徐即登著

天申明刑錄 天申習課 蘭臺讀史日記 從祀疏

稿 閩學移抄 倭功始末 督撫楚臺奏議 符

司紀 易經家調 俱熊尚文著

禮經講雋 禮經內解 諸書考畧 左氏始末 續

列卿年表 俱徐鑒著

元璞集 唐大章著

中庸叅 論語測 或問臆說 四書捷鏡 同求錄

俱李 頰著

楊叔度集 楊惟休著

深柳堂集 甘元鼎著

龍山集 胡學鴻著

寶翰樓集 唐士鳳著

二白齋文集 義署紀事 俱甘大綬著

遊燕草 陸元衡著

大雅堂正集 胡學浹著

昭州草 宛上草 甘文奎著

蝸丈居集 奕世詩紀 俱熊駿著

西園輯存 二歸草 歷代名臣奏議纂 俱熊濟鶴著

豐城縣志 卷二十 藝文 吳

烏夜啼詩集 黃炳啟著

湖上草 亦園集 俱李予璋著

小綠園文集 桃江墨澤 俱涂象震著

豐城縣志 前後藥餘草 小雲間集 俱陸履敬著

山居集 適餘堂集 俱陳上善著

心白堂稿 丁序珙著

大易外傳 殉難錄 小窓一鑑 俱甘豫亨著

豐溪詩黯 潯陽近草 三湖舫集 俱李銓雯著

蘭臺原古錄 江西詩社宗派圖錄 壽雪亭集 曲

水詩畧 文選原古錄 瓜棚偶談 俱張泰來著

四書拾遺 尚書叅補 禹貢圖記 俱余友芳著

五花閣存稿 丁蕙著

四書解 思岵堂稿 婁江吟 止廬吟 俱李遇陞著

滇行草 見性堂稿 俱李雲會著

匡菴集 萬儼著

禮記集腋 徐斌著

讀書劄記 熊原著

狂言集 李景運著

也藏山文集 也躬吟詩集 俱熊履廷著

大學管窺 四書駁謬 周易述義 俱甘師盤著

豐城縣志 卷二十 藝文 完

四書類典賦 正氣編 存耕堂集 俱甘紱著